

محمد أسعد

فكره
شعري

وتخيلني

شعر محكي

محمد أسعد

في الحب

ورا الباب

شو رَجَّعَكْ؟

كنو العمر عم يُوَجَّعَكْ؟

ولا القلب بعدي فضي

وبدك حنيني يسمعك؟

ولا هواك فيي رضي

قلي شو كان عم يمنحك

شو رَجَّعَكْ؟

بتعرف شو قلتلي اضحكي

والضحكة حسًا ملبَّكة

بتعرف دمع ملّ البكي؟

بتعرف قلب ضلّو معك؟

شو رَجَّعَكْ؟

راجع لأمسح هالتعب كلو
و إدعي إيديي بشعرك يضلو
وتبوسك عيوني
وتحوشك جفوني
و غفي قلب مشتاق لمحلو
راجع لأنني ما عدت أقدر
خبي الندم أكثر
بزعل عنبض قلوب عم تشتاق
و عالجب يلي بهالذني تمرمر
راجع لقلبك يضحك و أسكر
يلا افتحيلي ..وحاجة نتأخر

*

اشتاقت

قالت قلبها اشتاق للضحكة
بدها الغزل .. نفس الجمل إحكي
ونفس الدفا اللي تنام لمّا يكون
راسا عصدري من التعب متكي
و بدها أيديي تحملا و تدور
وبوسة خطف و تجننا الحركة
وبدها عُمَر يشفي عُمَر موجدوع
! بلكي الدوا نرجع سوا بلكي
كلّو سهل إلا تجيني .. تقول
اشتاقت للون عيوني بس أبكي
سكنتُ زعلتُ ع كتابنا المجنون
وكيف قدرتُ ل كتبت هالحبكة؟

شال

لَقَيْتَ قَلْبِي حَوْلَ خَصْرِكَ شَالِ
الدَّقَاتِ صَارُوا جِرَاسَ لِلْخَلْخَالِ
وَشَفَافِ رَمَيْتَ غَلَطْنَا عَلَيَّ
بِوَسَاتِ عَلَقُوا بِأَخْرِ السَّنْسَالِ
وَبَلِيلِ شَعْرِكَ عَمِيُوا أَيْدِيَّ
مَشِيُوا بِدَرْبِ شَلَالٍ بَيْنَ تَلَالِ
ضَعْتَ بِحَلَاقِي وَضَاعُوا عَيْنِي
بِزَحْمَةِ أَنْوْثَةٍ .. تَنْحَتِكَ تَمَثَالِ
يَا رِقَّةَ الْإِحْسَاسِ خَلِّي الصَّبِيَّةَ
تَرْحَمِ عَطْرَ دَوِّبِ قَلْبِ رَجَالِ
قَلْبِي إِلَيَّ خَلَانِي أَحْلَمِ شَوِيَّةَ
وَصَحِيَّتِ مِنْ أَحْلَامِ هَلْ مَحْتَالِ

شامات

شامات من صدر السما
مَرَج الحرير مَلَمَما
نجوم اللي الله راسما
حلمي لعندا طير

غَمَازة عا خدًا وشم
مرسومة بعيوني رسم
بسمات بتبكي العتم
شمس وصبح بتصير

وحضنال كأنو للدفا
خلقان، شو بيحلا الغفى
تعب العمر فيه اختفى
لما أخذني أسير

لمسات يا نكهة رضا
بتمحي معا كلشي مضي
طارو أيديي بهالفضا
وصدري لأيديها سرير

*

لازم

كل حب بدّو فراق.. وبدّو زعل وخناق
وبدّو قساوة قلب .. حتى وقت نشتاق
كل حب بدّو دموع .. وبدّو وجع مسموع
وبدّو وقت منحب .. نخبي شو عنا وراق
هيي القصة مش كذب .. هوي الحب كلو لعب
ع وتر الغياب
القصة بكلمة شو اشتقت .. تغفيا .. تعطيا وقت
و بترجعو أحباب
كل قلب بدّو فراق .. و آهات ما بتنطاق

لا

لا تفردني شَعرك ع بياض كتاف
بخاف الأنوثة تصير تجرحني

ولا تمرّقي سنائك فوق مرج شفاف
بشعر خيالي مارق بمحنة

وتطليعة الحب اللي بحلاها شاف
قلبي الدني ، عم خاف تلمحني

خبيلي غمرة وبوستين نضاف
ورشة عطر ع تياب تشلحني

وانسي كلامي وقت قلت بخاف
شوقي إلك ما خاف يدبحني

كذب

شو الحب ؟

شوية كذب مامنقبل نشوفو

معطرّ بريجة قلب

شوية كلام ملبّس حروفو

بدلة و كأنو شب

شوية ضحك ناظر بكي

شوية صمت كلّو حكي

وكومة زعل .. جايب ملل

وكذبات بتخيّط أمل

قسوة عقل .. لهفة قلب

استسلم اذا ولعت حرب .. وتحمل كفوفو

نميمة

تعالى اسمعى عم ینحكى علیكى

دقات قلبى قالوا وما خلّوا

تعالى اسمعى بلشوا بعینىكى

و عم ینزلوا ع شفاف بیشلّوا

قالوا حكى كرمال خدیكى

ما یغاروا من ضحكات.. لو طلّو

بلاقى عینى صافنة فىكى

وعندا حكى ما قالتوا كلّو

وهم

مثل ل كَأني شفتك خيالاتُ
عيونك ما ملّو يوقعو بسحري

وصابيع بس مرّو ع هالبسمات
بيهرب لحن يحفر معك صدري

فستان خبّي بخيبتو لوعات
بنت الحرير .. عروقتها بتغري

طرقات زرقا عالتلج طرقات
عيوني مشت فيها بلا أمري

و طيور مغرورة بلا جناحات
وساحات زحمتها نمش مُدري

وخصر ل كأنو حامل حكايات
دايب ل يحمل بالعتم سري

صمتك قتلني ، بهالصمت بالذات
فاحت قصص عم شمّها بفكري

*

شو يعني

بحبك شو يعني ؟

يعني بحب حالي معك

وبحب صوتك يسمعك

إشتاق صدري يجمعك

بس تفرطك الدموع

بحبك شو يعني ؟

يعني بحب كلشي مضى

وبحب إندهلك صدى

وما خاف ينكرني الرضا

فيكي الطمع مشروع

بحبك شو يعني؟
يعني بحب بطلّ أنا
وبحب صيرك يا هنا
هاد القلب لما انحنى
كانت صلاتو جوع

*

تبدیل

تعالی سوا تنیناتنا نبذل بعض

ندرس شو أبعاد البعد؟

قولك برد؟

وتعیشي إنتي مع حدا

قضی حیاتو مع حدا

وبعمرو ما داق الرضا

و کاین عبد

کیف السرد؟

و جرب حیاتی مع حدا

ناطر لیجرح شی حدا

وإز عل بلاکی شو مزی

مواسم ورد

تعالى سوا تنيناتنا نترك بعض
نعيش الدنى طول و عرض
شو قولتك بيبقى الملى ؟
شو قولتك ما فى أمل ؟
ما عاد بدى نفترض
ضلى الشمس، ضلى القمر، ضلى الأرض

*

شو يعني

شو يعني أكتبلك

وكل الشعر .. كلك ؟

شو يعني رتب كم حرف

ما بتعرف تفلك

إنو العمر حدك غريب كثير

وإنو الحلم بعدك طلع بيطير

وإنو الوجع ممنوع

وإنو الأمل موضوع

وإنو إذا موجوع

شو بحس مشتقلك

شو يعني إكتباك؟؟
و قللك وقت نكبر
بحب الوقت أكثر
وبحب ما يضلّ عنا بهالعمر تفكير
بيكثر كأنو قلّ .. كلو بعد بكير
شو يعني إكتباك؟
بس تفهمي بقلبي و إجي
عم حس من عقلك

*

لو تحبي

حُبِّي تعب أيدِين كلماتي
اللي بتغمرك و تشد
حُبِّي عتب خبي بضحكاتي
ألفين أخذ و رد
وحُبِّي معي ماضي مضا
وحطي على جروحي رضا
صوت العتب مالو صدی
ومنك دفايي برد

حُبِّي جفا وجودي معك
خلي الجفا يدمع
حُبِّي صمت حكيي معك
خلي الطرش يسمع

وَحَبِّي لَنَّمْ مَلْهَوف
مَغْمَّضَنِي حَتَّى شَوف
كَيْفْ بَتَجِي الظَّرُوف
تَدْفِشَنِي مَا بَوقِع
حَبِّي وَتَعِي نَرَجِعْ

*

متجبرّة

اعطيني وقت .. خليني قلق شو اشتقت
بحبك وقت تتكبري .. وبعرف مارح تتغيري
وبحب لما تقدري .. تخليني أندم شو عشت
بس الحياة بتوعدك .. ما فيها تبقى تسعدك
حلو المرال مابتتكبت
بس التمن رح يندفع .. وقتا الأسف ما بينسمع
ومابتنفحك كلمة تبت
اعطيني وقت .. لا تضلي تحكي والسكت
ماسكني من دقة قلب .. بكرا الحياة بتتقلب
و بنلام لو فيكي شمنت

هدّي اللعب .. بعرف صعب تمشي الدرب
مرة بلا ما تفرضي .. رأيك علي ، بتمرضي
خليني إسمعها "قبالت"
وقتا أنا رح أسألك .. عمري إلي ولا إلك؟
وقلك عليكي شو اشتقت

إبكي

بس يجرحك .. إبكي
وما تخجلي تحكي
وما تخلي منك إشيأ بتحبو
ما تخافي قلبي بيوسعك
بغلطاتك، بكل شي معك
بتضلي اسمك حب
وبتضلي انتي القلب
شفتي حدا عم يشمت بقلبو ؟

بس يجرحك .. إبكي
بتتذكري بلكي
شو كان احساسي
! احكي لي أنا ناسي
بس يجرحك .. إبكي
وتعالي من جنبو
وتعافي من كذبو
كان الدرس قاسي

*

وينو؟

كل اللي حبونا شهر
قالوا رح نقضي العمر
فجأة غرامن طار
وكل اللي عطيوننا وعد
نبقى سوا وضل البعد
بِ آخر المشوار
وكل اللي سمونا قدر
ترجّوا بغيبتنا المطر
يمحي حكايا كتار
بالآخر بيبقى شخص
بيعرف شو في عنا نقص
بيحبنا وبيغار

وهم

قولي لقلبك يا بنت
ماعاد عندي من العشق ذرّة
وقوليلو عن حبك تبت
ماعاد بدي حب بالمرّة
وقوليلو ما رح إنحني , ما فيكي قلبي ترهني
وإني أنا بهي الدني ما بفكر بيكرا

قولي لقلبك ينطفي
ماعاد بدي ضل عم حبّو
وقوليلو لما تحلّفي
فيبي ، ما بدي عيش ع كذبو
وقوليلو إنك مش إلي ، صار الوقت تتحملي
ضلي اصفني وتأملي .. صرتي بنت حرّة؟

عدلك ظلم

لما عم تحبي الجرح مني
عا قد ما حضني بداويكي
ولما بلا قصدك عم تحني
لدموع كانت تنبكي عليكي
ولما بصدفة بتعرفني إني
خلقت الصدف كرمال عينيك
ولما أغاني فراقنا تغني
وقلبي يجي و يدندنا ليكي
لما شفت ضهر العشق محني
تساوو العدالة والظلم فيكي

*

بکرا

ما بحلف باسما .. ولا بحلف برسما
ولا حتى بحياتا
بس بحلف بحالي .. بس تخطر ببالي
ويمرو حكياتا

أصدق وقت وقتا .. يوم ل أنا عرفتا
روحي أنا شفتا .. بعينها قبالي
مافي بعد أكثر .. حُبًا معا بيكبر
ضل القلب أخضر .. و دقاتو بالعالی

ما تسألوا عنها .. خلق العشق منها
تربّي ع دياتا
رح إفتح وراقی .. بعدو النبض باقي
كرمال نظراتا

ولما القلب غنى .. إشيا بلا معنى
كانت إلي المغنى .. شفتا أمل جايي

يا ريحة البُكرا .. و يا طعمة الذكرى
عالحوة والمرّة .. منكفي الحكاية

*

ختيار

وبيخلص المشوار
بكرا بيجاكرنا الوقت
وبتموتي لو خنت و متت
وبيضحك الغدار
ومنضل ذكرى سرار
ما بدي يربطنا الوعد
ولا بدي يبعدنا البعد
بدي يجي يوم السعد
و يرجعونا صغار
مش هم لو ما نتفق
حرزانه طيب نحترق؟
شو العمر؟ حلم و طار

أيديي يلي تجعدوا ليكن عم يحنوا
و قلبي ل كنت عم ساعدو وما بعدك عنو
ناطر تجي يقطف عنب
ويرفع عن شفافك عتب
يلاقي حلاكي زرار
بكر ابيجاكرنا الوقت
وبتقولي لو خنت و متت
ماضل في ختيار

*

بحبك

شو مفكرة .. بحتار ؟

غلطانة

بعرف شو رح يخترك جناني

كلمات ما بتتنقال

بيخاف منها البال

بتمرق كأنا خيال .. بغناني

إحساس مش إحساس

بلحظة ع قلبي داس

شو اللي بخيالي انباس .. عرفانة ؟

شكلو الدفا ختيار .. قدام حضن النار

في خد قال اسهار .. في شفاف نصن طار

وفي عيون يا ستار

دبلانة

الله معك

ضلي ابعديني وابعدي عني

وخلي المسافة تخبرك اني

ما عاد حنّلك

ضلي اكسريني بتمحي مني

وكلما خطر تي بحس مستغني

ومن قلبي عم قلك

الله مع الأحلام اللي رسمتا معك

الله مع الأيام اللي كانت إلك

الله مع الضحكة .. بكرا وقت تبكي

رح تسمعي صوتي وأنا عم قول

ما عاد مشتقلك

تخيّلي

وتخيّلي

تحبّي بلا ما تسألني
كم يوم رح قضّي معك
وما تز علي بس ودّعك
وما تحسّي حالك مرحلة

و تخيّلي

ما قول إنك بس إلي
و ما حس في عنا حبس
بيقرا المشاعر بالعكس
و يتعبنا حلّ المسألة

وتخيّلي

لما لقلبي توصلني

يصير العشق عندو شرط

يحرمانا من كلمة "ربط"

و حبك بلا هالمهزلة

وتخيّلي .. وتخيّلي

قديش حلوة .. تقبلي

تحبي اللي عنو بيبيعدك

وما بيوعدك رح يسعدك

شو رأيك ؟ بتتحمّلي ؟

*

عم تحني؟

عم يسألك حضني

كيف الجفا بيخلص بس تحني؟

كيف الغفى بيهرب معك مني؟

وكيف الدوا .. مني ارتوى

ووجعي معي يغني

كيف الدفا بيبقى بلا مطرح؟

وكيف الوفا بيخلق وقت نجرح؟

وكيف الحكي بس نشتكى

بيبقى بكى بيفضح

عم يسألك حضني

بعدو التعب بدو معك يشفى؟

بعدو العتب حدك وقت يغفى

بيبقى كلام .. مثل المنام

بضحكة غرام بدفى

عم يسألك حضني .. ان كناك عم تحني

اكتشفي

راسك عصدري ، تسمّعي

وينن عينيكي ؟ اطلّعي

انتبهي بلا ما توقعي

شو ضل جواتي ؟

احكي لي شو بيقول العتم

صوت العتم ما بينكتم

شو ضل مني ؟ بس اسم؟

ماتشوفي كذباتي

مدي أيديكي تحسسي

قلبي ! بلا ما تلمسي

حطي معو كلشي قسي

وما تلقّي دمعاتي

شمّي إذا ريحة قهر
فاحت ! مفي عندي عذر
شمّي اذا ريحة غدر
متبرّي من ذاتي
راسك عصدري ، تسمّعي
وينن عينيكي ، اطلّعي
بفرح اذا رح توقعي
وما بلوم نظراتي

*

حبك حبس

كل ما إجي أتعاقي منك بنتكس

و بحسّ عقلي بيندعس

يمكن قصد

يمكن ما داواني البُعد

و يمكن ما بدي طيب

مثل ل إذا شي ديب ..

حَبّ الحبس

رمش

كلما فردت صوتك ببالي
وتذكرت كلمة حبيبي .. بقول
يا ريت هلق تخلقى قبالي
وما يضل زرّ من الخجل مقبول
كلما فردت صوتك ببالي
بتلاقي خدي من الفرح مبلول
قلبي نظر ل يلاقي خيالة
بتعرف شوي يعني يرقصوا الخيول
قلبي نظر مجنونة ، كرمالي
بتترك زعل كل الدني مشلول
ولقيت بنت بموجنا العالي
برقة رمش بتحرك الأسطول

ما حدا

يلي مافي متلك حدا
و بشوف فيكي كل حدا
بدي سبب غير الرضا
ل ينادي كلماتي
و يخلي ضحكاتي
يطلع عليها النور
مافي سبب إلا القلب شو حب
و أنتي ل ملكتي القلب
صعب الحكي شو صعب
ما ممكن يقلك .. قديش مشتقلك
و القلب شو مقهور
إنتي الحقيقة وبس
و إنتي بقلبي الشمس
و حولك ما بدو يدور
بيخاف يضحكوا العتم

ويصحى قلب مكسور
يوم اللي بتفاءل
عم حب كلشي يصير يشبهني
و عن كلشي بتساءل
عن كلشي ناظرنا سوا
عن الذكرى و عن البكرا
وحتى عنك و عني
يوم اللي بتفاءل.. شو بصير إتجاهل
حتى أنا بس صير إسألني
بطنش ما عندي رد
بعرف بعد هالبعد
الدنيا ل ما عندا وعد
قالتلي رح نضحك سوا
و نرجع سوا نغني

تراضي

بس نتفق عالمسألة
و نصير مثل الغرب
ما تحضري كرهك إلي
مو ناقصو هالقلب
ولما أجي صدفة عباب البال
! ماتقولي ياضيعان مافي رجال
و الحب كلو كذب
قولي الحياة بعمر ا ما بتكمل
و خلي عينيكي دموعها تقبل
الضحكات صاروا قلال
ونحننا ما إلنا ذنب
والحب مالو ذنب

حمرة

صارت شي مرة تلتقو بنظرة ؟
تحسو سوا عم تشتهو الغمرة؟
يولع غرام .. وينطفي.. و يغيب
ويضحك قلب، ما كمل السكره

صارت شي مرة هالشقاوة تخيب؟
والروح تبقى معلّقة بسرّا
إنتي شو دبتي بهالحلو ، تهريب
وأنت بخيالك ، طعمة الحمرة
صارت شي مرة ؟

لا تروحي

حتى وقت عم قلك خالص روهي

عم كذب عليكي

وما بكون قاصدها كذب

بس القلب .. هيك القلب

بيكون خايفلي على جروحي

ما ينقصوا فيكي

وحتى وقت عم قلك خالص روهي

مو قصدي جافيكلي

وبعرف أنا مالك ذنب

بس القلب .. هيك القلب

بيغار بس شافك عم تفوحي

و عم شمّني فيكي

حرّة

ضلي اسرقي الضحكات

وما تفكّرني ببكرا

وضلي اسرقي منو النعس ، ما أحلى هالفكرة

ضلي احلمي ، الأحلام

بتموت لو مرّة

صارت حقيقة مأكّدة ، و بيكثروا الخيبات

ضلي اسرقي اللحظات

ضلي بنت حرّة

كل شي حلو بهالعمر ما بيقبل النظرة

ضلي اسرقي اللحظات

كل لحظة مع سرّا

الأسرار وحدا بتغمرك ، وبتجبر الكسرات

ضلي اسرقي الدقات

مشروعة هالسرقه

و ضلي اخجلي لو قال .. مافي بهالرقه

ضلي اسرقي كلمات

بس اتركي الورقه

يمكن يجي يوم و تجي لتألفي حكايات

كل القصص بتروح

و بالآخر بيبقى

ذكرى لضحكة أو وجع .. بيدندن بحرقه

بكر ا وقت منموت

رح تصعب الفرقة

و عاجز ندمنا للأسف ليرجع اللي مات

ماني نبي

ماني نبي

وما بدّعي إنو الغلط

ما زارني مرّات

ماني نبي

بس الكذب بالذات

ما حبّني .. بتستوعبي؟

ماني نبي

وما بشوف أبعد م الورق

وما بفهم ب يلي انسرق

مني

بس القلب منو غبي

العيون ما بتعرف حصص
بتقول شو عندا و خلص
عيوني حكي .. ما تعتبي
ماني نبي
غلطاتنا طيبة .. اطلبي
عطشتي ؟ تعي مني اشربي

*

بيعرف؟

كيفو معك؟

عم يعرف يحبك؟

عم يسمعك؟

ويخاف ع قلبك؟

احكي لي مافيه شي

عم يعرف يضمك؟

عم يعرف يقطف ورد تمك؟

عم يعرف يحضّر عذر

بس تز علي وتمشي؟

عم يفهم عيونك؟

عم يكبت الضحكات ع جنونك؟

عم يحفظ الشامات من رمشة؟

ولا مو دارس شي

رح يعرف يسدد إلي ديونك؟

رح يعرف يكفيها من دونك؟

بس تجي الوشّة

*

أنتى

خبية

لو بعرفك ح تروح
ماكنت خلبيت باب الوفا مفتوح
لو بعرفك ح تروح
ماكنت ورجيتك
شو يعني حبيتك
وما كنت ورجيتك عقد الخرز مشلوح
لو بعرفك ح تروح
كنت تركت عندي قلب
يواسي نبض حكيو صعب
بيكابر بدمعة .. نزلت بلا رجعة
و بيقول مش مجروح
دمع الفرح مسموح

شوق

كل ما لمحني الشوق يندهلي
يقلي تعي، عندي اسهري ضلي
ويكتب رسايل حب ما كتبنا
يخربط حياتي ل كنت رتبنا
ونلعب سوا .. حسو ولد متلي
ولما الصبح يو عا معي عقلي
بخجل أنا .. بركض مثل طفلة
بقلو خلص يا شوق رح امشي
غرقوا ببحرك .. قلبي و القشة
سامحني اني كبرت عا غفلة
ومن القهر يصرخ أنا مغروم
ويفضح قلب صرلو عمر محروم
سرّي اللي بطل سر صار هموم
وحبي الي جوّا .. نار عم تغلي

حلم

خَلْيِكْ عِنْدِي .. تَرُوحْ مَابْخَلْيِكْ
جَوَّا بَدْفَا قَلْبِي .. اَنَا بَخْبِيَّكْ
بَطْفِي أَلْفْ شَمْعَة عَتَبْ
بَضُوي قَلْبْ هَدَّوْ التَّعَبْ
وْ بَكْسَرْ ضَلُوعِي حَطْبْ
بَغْمَرَة حَنِينْ اَشْتَاقْتْ تَدْفِيكْ
خَلْيِكْ عِنْدِي نَسْكَرْ شَبَابِيكْ
وْخَلْيِ حَلَايِي يَشُوفْ شُو بِيَسْقِيكْ
وْ خَلِي كَلَامْكَ يَنْطَرِكْ بَرَا
بَدِي إِلِي حَسَّكَ وَلَوْ مَرَّة
دَمُوعِي بِنُومِي بَا حَتَّ بَسْرَا
وَصَحِيحْتْ يَاحَلْمِي .. لَوْ بِكَفِّيكَ

وحدة

ماتقلي لو خلصوا المشاعر

رح نبقي او نمشي؟

كل القصص في إلها آخر

عادي متل كلشي

بييدا حلو بس أوّلو

الدقات بس تحوّلوا

ما بدي منك شي

ما بدي منك شي

عادي و أقل من عادي

الله معك و زيادة

صدقني ما بهتم

قلبي بطل مهم

و بقدر لاقى السعادة

الحب ل إسمو حياتي

هوي حبي لذاتي

عندي تلج بالدم

ببوس الفرح عالتم

بنظرة ع جواتي

*

زعل

بليلة بكى وفراق .. وخوف القلب يشناق

بليلة دمع حرّاق .. قعد الزعل حدي

قلي ما بدي فوت

عليكي أنا رح موت

صدرو فتحلي بيوت

وكتفو سرق خدي

وصرنا سوارفقة .. إفرح معو سرقة

تاري العمر ورقة .. طارت ما بتهدي

فجأة بيدق الباب

حب ومعو أصحاب

زعل الزعل ع حباب

طلّو إلي وحدي

وفل الزعل ياناس و بطلّ حدا حدّي!

مرا

احكيلى ياقلبو و قلو .. انى انا اشتقتلو

ودمعاتى لو خلص الحكى

بيقولو عم حنّلو

وماتقلى دقاتك الى شول غيرا

وماتقلى حبك مسألة صارت ورا

شوف الجرح كره الملح

قلبى مثل نجمة صبح ، شو مسهرا؟

احكيلى ياقلبو عنو.. ووصلى ضحكة منو

عينى لو ملّو البكى

بيبقو الو بيغنّو

وماتقلو هل كانت بنت صارت مرا

بتعرف انت لما سكتت شول كبراً

مثل الورد لما البرد

بورقاتو لحظة بينفرد ، بيمر مرا

كذبك حلو

كذب علي و قلّي
إنّتا و معي بتشتقلي
هاد الكذب مسموح
وقلي مفي من قبلي
وماحدا بياخذ محلي
و إني دوا الجروح
كذب علي ما بدي الحقيقة
و اضحك عقلي دقاتو بريئة
كذبك حبيبي شو بحبو
وضحكاتي لا ما بيتخبّوا
كذب علي كذباتك
بحسّا موسيقا

قصص

مثل القصص

قلبي ع زندو شو رَقَص
لَمَّا أَخَدَ خَصْرِي إِلَو
عيوني اللي صارو يشعلو
شفافي ما فيهن يسألو
شفافو عم تصيّد فرص

مثل القصص

ما بعمرى رح قَلَو خَلَص
يا عيوني فيه تكحلي
ويا روح طيري و اسألي
ما صدّقت .. قلبو إلي ؟
مين اللي خربط هالحصص؟؟

بتخاف

عم خاف

تصير المشاعر تنقرا وتنشاف

ويصيرو دقاتي غني

وعيونو تعرف شو بني

عم خاف .. شو عم خاف

تهرب معول شفاف

عم خاف

تركض أيديي .. تغمرو، وكتاف

تسرقلي همّي والبكي

و راسي عليهن يتكي

عم خاف شو عم خاف

تهرب معول شفاف

وعم خاف
يعشقني ويقلو لحلمي وقاف
و بطل ع غفلة المحو
و يقدر ع قلبي.. يجرحو
عم خاف شو عم خاف
نخسر حلم ال شفاف

*

آسفة

قلبي خلص شلتو .. و إسمك إذا قلتو

رح إعتذر منّي

بيكفي أنا جنبي .. و وحدك صرت غربة

و كلّي رضا عنّي

عم ربّي حالي عالجفا

و داري اللي فيني ما انطفى

وشيل الوجع منّي

رح أعتذرلك يا أنا عن كل شي صار

رح أعتذرلك يا أنا بكل اختصار

عن كل حدا فيه وثقت

عن كل كلمات .. اشتقت

وحلمي اللي بگاني .. و فقط رد اعتبار

قلبي مو راضي يخون
ولو حتى عندو ظنون
و بعرف عم يخبي
الدقة ودمع العيون
عشرة ما عم بتهون
شو بعمل بقلبي؟
بس يتقل عليي الهنا
بنده لحالي بطمنا
بقلا خلص حُبي
رح أعتذرلك يا أنا عن كل شي صار

*

الله معك

بطلت اشتقتك أنا و بطلت حنّك
ماضلّ بعيوني دمع تاري الدمع متلك
ببمشي ع غفلة هيك وبسرعة
روحة بلا رجعة
والدمعة شو نفعها؟ لو خجلت نقتك

روح

ما عاد قلبي بيشبهك
و ع مر ايتو لو يندهك
رح يلمحك بجروح

روح

ما عاد عندي شي إلك
و قلبك اذا رح يسألك
عن قلبي مش مسموح

بطلت اشتقتك أنا و بطلت حسّك
ماضٍ عندي من الهوى و الماضي بيقلك
خايك عندو .. وما تجي بكرا
ع بالي لو مرة
حتى لو بذكرى ، وامحيني من عقلك

*

أنا

أنا

أحلى حدا عرفتو
و أطف وجه شفتو
وكلّ الحكي بيروح
لو قدّ ما وصفتو
أكثر حدا اشتقتو
ومن قلبي صدقتو
و أول حدا مسموح
يسمعي ع وقتو
و أول حدا بحكي معو عن كلشي جواتي
و عن كل دقّاتي
كتابي معو مفتوح
وآخر حدا بفكر إذا ، تعرّف ع نيّاتي
و ع كل حالاتي
ولو شافني مجروح

أحلى حدا جنبي
مشاركني ع قلبي
بحسّو بنفس الروح
عايش معي الغربة
أكثر حدا بقلّو
ما بينفعو بخلو
الدقات كترو كتير
وبخاف ما يقلّو
أول حدا بسرّي زعلت، ورجعت سامحتو
بيعرف إذا جرحتو
جرحي بريء كتير
وآخر حدا بسكت إذا ، مرة أنا نصحتو
و ع مرايتي لمحتو
هوي أنا منصير

*

سر

من لما كنت صغير
تعلمت مني كثير
وتعلمت أنو الحكي
سلطان بالتأثير
والكلمة مفعولا سحر
! تخيل إذا عندي بحر
. بعمل ألف تغيير
و تعلمت
و تورطت
ماكنت إختار الصمت
ويعرف قبل ما قول
شو يلي بدو يصير

وبعرف بعد ، رح قول
يا ريت سكتت
و بندم ع حكي كثير
و تعلمت
أنو الكلام ل ما إلو معنى
هوي الحقيقة الكاملة
وإنو الجرح اللي ضل يوجعنا
كلمة " إجت مو سائلة"
و مالا خبر شو عاملة
وتعلمت لما كبرت .. إني كبرت بكير
ويا ريتا ما كبرت معي
مشكلتي بالتعبير
شو بشتهي أوقات
رجع زمان ل مات
و إحكي حكي بقلبي .. إحكي بلا تفكير

تعلمت حب السرّ ، تعلمت عيشو

انتقلو ريشو

واتحمل خراميشو

تعلمت كيف السرّ

بينسى انو بيطير

تعلمت كيف السرّ

بيصير بيحب العتم

لو يوم عاشو حرّ

بيحس بظلم

أصواتو كاتمها كتم

! من لما كنت صغير

*

میلاد

كل عام و أنا ممنون ع وجودي

وكل عام و أنا رضیان بحدودي

كل عام و أنا شایف

بحالي عیوبي مش خایف

كل عام و أنا آسف

لدمعة مالا موجودة

كل عام و انا عم إستغربا فيني

قساوة غير عادیة

كل عام و أنا حاسس

بقلبي غرفة منسیة

ع بابها كتبوا حنیة

كل عام و أنا مسیطر

على لساني اللي عم يقصر

كل عام و أنا مستر

مشاكل كلاً نفسیة

كل عام وأنا مبسوط من قلبي
يمكن لأتو واقف بجنبي
و ما بيعرف إذا مجبور
كل عام وأنا مغرور
كل عام وأنا مأسور
ل كلشي أصيل ما تشوّه
وحقيقي كثير ما تموّه
كل عام وأنا أستاذ بالفرجة
كل عام وأنا مليون بالضجة
وكتوم كثير و بخبي

*

كذب

شو يعني عدّ سنين ؟
وشو يعني لو صاروا كذا و سبعين
إذا عقلي معي واقف ع حقة العشرين؟
وجواتي لسه في ولد
مسيطر علي، و للأبد
بدقلّو ع بواب الحسد و بهرب ع كلمة "مين؟"

شو يعني عدّ سنين ؟
إذا سنيني اللي ضلّوا كلهن حلوين
و إذا الدقات ل بقلبي كلن مجانيين
وعايش مافي غيري سبب
و عم فوز لو كلشي انقلب
و ما بفكر ببعدين
شو يعني عدّ سنين ؟
إذا ضحكاتي مسموعة و الدمعات ممنوعة
والحب عندي الدين

طفل

بعدي طفل

بزعل إذا ع مرايتي

بيّن خراب الروح

بعدي طفل

بيكي انا ع حكايتي

هل ألفوها جروح

بعدي طفل ، صابيع عا خدي

بعدي طفل فهمي على قدي

بس هالطفل .. خوفي ع غفلة يملّ

ويقول ما بدي

ويختير القلب الهني

ومايضل يفرح بالغني

وحر في القوي يصدّي

*

؟

شو عملتي فيني يا دني؟
ناطر جوابك من سنة
ماشفتي قلبي اللي انكسر؟
ولا شفتي ضهري المنحني؟
شفتي اللي قلبو من حجر
بعيون غش ملونة
هي الحقيقة مبيّنة
ما خاقتي إلا للقوي
وما ضحككتي إلا للغني
بتتخيلي إني جبل
ما بنوجع يعني ؟
لما السؤال بينسأل
في مين يسمعني !؟
ضحككتي عليي بالأمل
أملني طلع لعنة
سكين يدبح هالحمل
طعنة ورا طعنة
بتفرط غناني و جمل
ومدري شو يجمعني

شريط الدنيي

يا ريت فيي رجّعا .. وشوف الدني من جديد

وقتا كنت رح أمنعا .. تهزمني مهما تزيد

بصحّي الي جواتي انخدع

بسأل شو هل فيي انزرع

و بمرق ع لقطات الوجع

و بضل فيها عيد

ببوس اللي خانو .. واللي جرحو

واللي دبحو من الوريد

هل علّموني بل بكي أبقى سعيد

...

ياريت فيي رجّعا .. وشوف الدني من جديد

بمحي الخجل منّي .. وبمحي معو ظنّي

برمي التعب عنّي .. بكمل بلا تنهيد

بصغرّ مشاهد كبرت أُملي
بخفف حماسي ل فيي عم يغلي
منشرب سوا هالكاس
وحدي انا وملي
حتى مايبقى هالندم .. يغني عالحن الألم
حتى القلب يلي انعدم .. بدقو وقت ل بريد
ياريت فيي رجّعا .. وشوف الدني من جديد

*

ما مختلف

ما مختلف

يمكن ما عندي بهالذني نظرة
ويمكن ما عندي عيون بالمرّة
خليني جرب إعترف
يمكن أنا أهبل
بشوف الوفا أسهل
وقلبي السذاجة محترف

ما مختلف

يمكن وقت ل صريخ بتخبّي
بهرب .. ما بعرف كيف متربّي
خليني جرب إعترف
ما بنام لو مرة جرحت
وبفرح إذا مرة فرحت
وبكون خاطفها خطف

ما مختلف

عيوبي غراما تنكشف

كيف الوصف؟

مبسوط عم تقرا الكذب؟

كل البشر رح تتقلب

اشمعنى أنا معصوم؟

كذاب .. عقلي بوم

وكلي سواد ما بينوصف

يمكن انا غشاش ، كل مرّة

بكتب لروحك ، والهدف ضرّا

خليني هلق اعترف

جواتي في شخصين

متلك أنا .. بوجهين

بس الفرق .. عم اعترف

*

ملاّ أنا

عم إكتشف إني
شو بشتهي بيّن أنا
وعقلي ما يجبرني
ضل السّوي وضل القوي
و إسأل أنا عني
عم إشتهي إني
لو صير بشبهنّي

يا كل حدا بحبو
ويا كل حدا تمنى كتف
و مشيت من جنبو
لا تضل مستني

ولا تنتظر مني
الأسف " مارح تغني "
يا كل حدا شفتو
ويا كل حدا عرفتو
أحسن ما تعرفني

شو يعني شخص مليح؟
يعني حدا لسانو حلو؟
و مالو اللي عندو مو إلو؟
ولا حدا قطف الصمت
من مشتل التجريح؟
عم مشتهي إني .. ماكون بشبهني

*

حياة

حقيقة

ما في حدا بيعطي بلا أسباب
خلي الحقيقة توجع الأصحاب
مهما حكولك شوف عشرة عمر
بيمضى العمر .. وشو بتنتظر هالباب
لا تزعلو مني .. وتفكرو اني
مأك و إلي الجنة .. حالي ما بستثني
حتى أنا كذاب
مخبى بقلب تياب
بضحك .. رغم همي .. البدو ألف كلمة
و عم إكتفي ببسمة .. صفرا مثل دمّي
تا ينسند هالباب
ويقول إنا صحاب

لو إني بقدر يوم ما احكي
و إبكي وقت لي بكون عم إبكي
واصرخ بوجهو .. خراس لا تشكي
و نبقى العمر أحباب
بعرف كلامي .. تقيل و بيلسع
بس الكذب أبشع
منلبس وجه فوق الوجه
خلي التحت يسمع
لا تكون إلا إنت
صدقني مش مستاهلة نخدع
مبارح شعرنا شاب

*

ظلم

شافو السعادة والعشق صدفه
حبّو بعض .. وتحمّسو نتفة
قلّو أبوها .. لا تدق الباب
!بتحبّها .. والحب ما بيكفي

بنتي وحيدة ، هالحكي مسموع؟
قلي شو عندك ؟ والكذب ممنوع
وما كان عندو غير نهر دموع
والدمع للمغروم ما بيشفي
!بتحبّها .. والحب ما بيكفي

قصة بسيطة بتتسمع كل يوم
بتمضى عليها سنين كلاً صوم
قلوب ما عرفت ثواني النوم
وقلوب ما تخلت عن اللهفة
!بتحبها .. والحب ما بيكفي

صرعتو سمانا إنو أنتو جيل
مضى حياتو تحت ضوء البيل
شو تفرحو لما تضوو القناديل
وما هزكن قنديلنا المطفي؟
! بتحبها .. والحب ما بيكفي

جیلنا عمی ببلادنا منحوس
ماضل إلا یعلق الفانوس
بتحس انو النحس بدو بیوس
!! کل عمرنا الجای من الشفة
! بتحبّها .. والحبّ ما یکفی

لا تفکرو یا کبار انو الحب
ممکن ل لحظة یغادر من القلب
ضلو افهمو من کل بنت وشب
انو المحبة بترحم الخلفة
بیحبّها .. والحبّ رح یکفی

صَحِصِح

مغرومٌ .. متعلّقٌ .. باللي قلبا بعيدُ
مذلولة مع غيرك .. وحبّها بتزيدُ
وفي غيرها بنت .. بتسحر بنظرتك
وأحلامها بتكمل .. لو تلمسك بالأيدُ

....

بدك إنت من تمّها كلمة
و هالتّم، غيرك شبعان من الطّعمة
فتّح عينيك وشوف هالنعمة
عندك قلب جواتو حب جديدُ

....

عم تركضي بدك حبيبك تملكي
وهوي معاكي، بحضن غيرك مرتكي
ما حدا بيسمع هالدموع بتشتكي
دمعك إلك .. خلي الكرامة حديد

....

صار الحكي بي هالقصاص معروف
بس الزعل، عل منو راضي يشوف
لا تنحني مرّة .. إلا لقلب ملهوف
بتنردّ روحك .. حتى العمر بتعيد

قاع

احكي لي مين شايف هالناس؟
العم تشرب بس يفضى الكاس
احكي لي مين شايف هالناس؟
اللي تعدت مرحلة الجوع
وعم تبدأ بجوع الإحساس

عالم ضلّت .. ماتت قهر
وعالم ركبت موج البحر
وعالم صارت تحت الصفر
وعم تحلم بس بالإفلاس

احكي لي بسرعة شو عم شوف
! حسابات الشعب المنتوف
جيوب بتحكي ألوف ألوف
جيوب بتحلم بالمصروف
وفي جيوب ال بتعبي كياس
! سكر عالموضوع خراس

*

صمتك سعد

لَمَّا الحكي من شفافنا بيطلع
بيقدر شي مرة يبرم ويرجع ؟
بيقدر شي لحظة ينكر صحابو؟
و يمرق كأنو القلب ما بيسمع
لما الحكي يمشي بلا تيابو
فيها شي دمعة عين ما تلمع؟

مافي حكي إلا معو خيالو
مراية لتعكس لون مين قالو
خلي كلامك حب لو طالو
سنين التعب مع قلب متلوع

ماتجرح بكلمة
وتمحي معا بسمة
أسف " مارح بتشيل "
عن هالقلب همي
لا تعتذر لتشوف .. إن كنت بتوجّع

" بس تجرحك كلمة " أنا بحبك
" وتاخذ دوا " كفي الدرب وحدك
ما في أسف عل ما وقف حدك
كل الأسف لمّا القلب يدمع

لا تحكي مثل الشمس
خلي الصراحة همس
كل البشر بتخاف
تعيش الكرامة بحبس
ولا تعتذر لتشوف .. إن كنت بتوجّع

لما

لما تخاف تخسر حدا .. بتكون خايف من وجع
وخايف لقلبك ينشلع .. يعني أناني والطمع
ماسك فيك الشعور

لما تخاف تترك حدا .. بتكون خايف من زعل
أو من ندم ما بينحمل .. يعني أناني وما عمل
إلا لقلبو سور

ولما تخاف تسمع حدا .. قلقك أناني والحكي
بيعرف رح يضلو حكي .. يعني أناني وهالبكي
كذب ودمع مسحور

من الآخر

و إن كان سرّي ما انفضح
مو يعني قلبك من ذهب .. ومو يعني ما عندك سبب
يعني كمان عندك شبح .. خايف اذا تيابو شلح
فيك الدني ح تدور
وإن كنت بتسامح غلط
مو يعني قلبك عالوفا .. ومو يعني هالشرّ انطفى
يعني كمان عندك غلط .. وخايف اذا الماضي فرط
فيك الدني ح تدور
وإن كنت بتألف حكي
متلي مو يعني مو إلك .. هاد الحكي وما بيشملك
يعني إلي ومني الحكي .. وما بخاف إجا للبكي
لما الدني ح تدور

فتّح عينك

لَمَّا صوتي يخاف
يكسر قفص ال شفاف
مو يعني ساكت عالغلط
مو يعني شيطاني انبسط
بس يعني خايف تنقلب
أدوارنا بموقف صعب
و إحتاج تسكتلي غصب
إن شفت اللي ما بينشاف
و توفيلي شي مرة
لو برمت الفكرة
و تبدّلوا الأوصاف
لَمَّا صوتي يخاف
بينسى الحكي شو شاف

مکتر

شو يعني نتذکر ؟

کل اللي مرقوا بهالعمر

ونضل نتأثر

شو يعني نتذکر ؟

کلمات منحسا دمع

ونظرات ضحکا بينسمع

ونضل نتکسر

شو يعني نتذکر ؟

وقلبك علينا يا وقت

قسيان و مکتر

*